

Ақийда дарслари (206-дарс) Жиннинг имкониётлари инсонни кига нисбатан кўпроқми? (бешинчи мақола)



00:00 / 07.12.2022 2511

11. Жинлар турли шаклларга, мисол учун, илон шаклига кириш имконига эгадирлар. Бу ҳақиқат ҳадиси шарифларда собит бўлган.

وَدَّهٖ نَمَّ اَيُّ شَيْءٍ اَرْنَمَ فِى، اَوْ مَلَسَ اَدَقَّ نَجْلًا نَمَّ اَرَفَنَدَةَ نَمَّ لِبَابِ نِ اِ: «يَا اَوْرِ يَفَو
اِطَّيَّ شَيْءٌ نِ اِ فِ، هَلْ تَقِي لَفِ دُعْبُ هَلْ اَدَبُ نِ اِ فِ، اَثَلَتُّ هُنَّ دُوِّي لَفِ رَمِ اَوْ عِلَّ
اِثَلَتُّ اَهْلَ عِ اَوْ جَرَّحَ اَهْلَ نَمَّ اَيُّ شَيْءٍ مُّ تِيَّ اَرَّ اِ اِ فِ، رَمِ اَوْ عِ تُوِّي بِلَّ هَدَوْلِ نِ اِ: «يَا اَوْرِ يَفَو
عَبَّ رَأَلِ اُمَّهٖ اَوَّرِ». رَفَاكُ هُنَّ نِ اِ فِ، هُوَلْتُّ قِ اِ فِ اِلِ اِ وَّ بَدَّ نِ اِ فِ

Бир ривоятда:

«Албатта, Мадинада жинлардан бир гуруҳи Исломга келган эдилар. Ким ушбу уйларда яшовчи(илон)ларни кўрса, уч марта изн берсин. Агар ундан кейин ҳам кўринса, ўлдирсин! Чунки у албатта, шайтондир», дейилган.

Бошқа бир ривоятда:

«Албатта, бу уйларнинг обод қилувчилари бордир. Улардан бирортасини кўрсангиз, уни уч марта огоҳлантиринг. Кетса, кетди. Бўлмаса, ўлдиригинг! Чунки у кофирдир», дейилган.

Имом Бухорий, Муслим ва бошқалар ривоят қилганлар.

Қадимда кишилар яшайдиган уйлар табиий ҳолатга жуда яқин бўлган. Оддий ва содда бўлиши билан бирга, ҳамма ёғи беркитиб ташланмаган ҳам. Шунинг учун ҳам турли жониворларнинг кириб-чиқиши, баъзиларининг деворлар орасида, шифтда ёки бошқа жойларда яшаб қолиши ҳам оддий ва табиий бир ҳолат бўлган. Яқин-яқинларгача бу ҳолат бор ва кўп эди. Ҳозир ҳам баъзи чет жойларда бўлиши мумкин. Ушбу ҳадисда ана ўша ҳолдаги илонларга бўладиган муносабат ҳақида сўз кетмоқда.

Нима учун Пайғамбар соллаллоҳу алайҳи васаллам уйларда бўладиган илонларни аввал уч марта огоҳлантиришга амр қилдилар?

Бу саволга ривоятда келган Пайғамбар соллаллоҳу алайҳи васалламнинг қуйидаги сўзлари жавоб бўлади:

«Албатта, Мадинада жинлардан бир гуруҳи Исломга келган эдилар. Ким ушбу уйларда яшовчи(илон)ларни кўрса, уч марта изн берсин. Агар ундан кейин ҳам кўринса, ўлдирсин! Чунки у албатта, шайтондир».

Демак, Мадинада Исломга келган ўша жинлар илон шаклида баъзи бир уйларда пайдо бўлиши мумкин экан. Илонни уйда кўрган одам уни дарҳол ўлдирса, ўша мусулмон жинлардан бирини ўлдириб қўйиш эҳтимоли бор экан.

Агар инсон илонни уйда кўрганидан кейин огоҳлантирса, ўша илон мусулмон жин бўлса, у ердан кетар, қайтиб кўринмас экан. Аммо уч марта огоҳлантиргандан кейин ҳам келверса, мусулмон жин эмас, ҳақиқий илон бўлар ва уни ўлдирса, жоиз экан.

Уйда бўладиган илонлардан икки хилини: думи кесик ва ортида икки қора чизиғи борини огоҳлантирмай ўлдираверишнинг нима ҳикмати бор?

Афтидан, мусулмон жинлар ўша васфга эга илон шаклига кирмасалар керак. Қолаверса, илонларнинг мазкур икки тури кўзни кўр қилар, ҳомилани туширар экан.

Улар ўта заҳарли, тезкор ва одамга ҳамла қиладиган бўлиб, инсоннинг кўзига қараб сапчир эканлар. Эҳтиёт бўлмаган одамнинг кўзи зарар топиши мумкин экан. Шунингдек, у илонларнинг даҳшатидан қўрққан ҳомиладор аёлларнинг ҳомиласи тушиб кетиш эҳтимоли ҳам кучли экан.

عَلَىٰ مَنْ سَمَّ مَلَ سَوْهٍ وَيَلْعُهُ لَلَّ لَيْلًا لَّيْلًا لِّلْ وُسْرَىٰ نَأْتِي عُرْوَةَ لَيْلٍ يَبْأَعَنْ
 نَنْكُشُنَا: اُولُو قَوْمِ كُنْكَسَمَ فِي اَيْتِي شُنُنُ مُمْتِ اِرَادِي» : اَلْقَاتُ وَيُجْلَلُ تَابِ ح
 اِنْ وَدُّتَ اَلْنَ اِنَّمَا يَلْسُ نَنْكُيَلْعَدَخَ اِي دَلْ دَعْدَلِ اِنْ وَدُّتَ اَف نَدُ نَا ف
 نَنْ سَلَّ اَبْحَا هَا وِر . «نُهُوْلُ تَقَاتُ نَدُ نَا ف

Абу Лайло розияллоҳу анҳудан ривоят қилинади.

«Пайғамбар соллаллоҳу алайҳи васаллам уйлардаги илонлар ҳақида сўралдилар. Бас, у зот:

«Агар улардан бирортасини масканларингизда кўрсангиз, «Нух сиздан олган аҳднома ҳурмати, Сулаймон сизлардан олган аҳднома ҳурмати, бизга озор бермаслигингизни сўрайман», десин. Яна қайтиб келсалар, уларни қатл қилинглар», дедилар».

«Сунан» эгалари ривоят қилишган.

Бу ҳадиси шарифда ҳам уйлардаги илонлар мукулмон жинлар бўлиши эҳтимоли роя қилингани кўриниб турибди.

Демак, улар уйда кўрилганда, боболари Нух ва Сулаймон алайҳиссаломларга берган аҳдномани эсларига солмоқ керак экан. Бундан Нух алайҳиссалом жинларни нажот кемасига чиқаришдан олдин улардан одам боласига ёмонлик қилмаслик ҳақида аҳднома олганликлари маълум бўлади.

Шунингдек, Сулаймон алайҳиссалом ҳам ўзларига жинлар хизматкор қилиб берилганда, одам болаларига ёмонлик қилмаслик ҳақида улардан аҳднома олганликлари билинади.

Демак, уйда илон кўрган одам ўша аҳдномаларни эслатганда ўша кўринган нарса мукулмон жин бўлса, озор етказмайди ва қайта кўринмайди. Агар ўша кўринган нарса мукулмон жин эмас, оддий илон бўлса, яна кўринади ва уни ўлдираверса бўлади.

«Сунний ақийдалар» китоби асосида тайёрланди

